

# NUNAT AVANNARLIIT INUUSUTTUNUT ATUAKKIORNERMIK ILINNIARFIAT 2018



Inuusuttunut 15-iiit 18-inut ukiulinnut - 30. juulimiit - 4. aggustimut Nordens folkehøjskole Biskops-Arnö-miittoq Sverigemi Nunani Avannarlerni tamani inuusuttunik allakkumatuunik ilinniartussarsiorpoq. Pikkorissarnermi akeqanngitsussami Nunani Avannarlerni atuakkiortut arfineq-marluk ilinniartitsissapput – inuusuttut atuassapput, allassapput, oqaaseqatigiillioriaatsinik eqqartueqatigiissapput nutaanillu ilisarimasartaassallutik. Pikkorissaanermi Nunani Avannarlerni oqaatsit tuluttullu oqaatsit atorneqassapput.

Allanneq soqutigisarigukku inuusuttoqatitit ilittulli sinnattoqarlutillu soqutigisallit naapissinnaavatit. Ulloq qinnuteqarfissaq kingulleq: 15. aprili.

## ATUAKKIORTUNNGORNIARFIK

Ida Linde Athena Farrokhzad-ilu pikkorissærnermut akisussaapput. Atuakkiortuupput, nutserisuullutik, naliliisartuullutik aamma Nunani Avannarlerni Atuakkiornermut Pikkorissarfimmi Biskops-Ärnö-mi ilinniartitsisuullutik. Atuakkiortut Nunani Avannarlerneersut tallimat allat saapatip-akunnerani tassani pikkorissaaqataassapput.

Piginnaasat misilittakkallu saqqummiunneqassapput, oqaatsit inuusuttut ulluinnarni atugaat sapinngisamik atorlugit oqaatsit allat paasiniaatigalugit.

Atuakkiornermi allariaatsit assigiinngitsut sungi-usarneqassapput, kisimiilluni suleqatigiiaarlunilu. Atuakkiornermi sammiviit assigiinngitsut aamma eqqartorneqassapput. Naapittarfimmi Biskop-ip igaffiani unnukkut atuffasseqatigiinnerit sammisassaqartarnerillu allat pisarumaarputtaa.

Atuakkiortunngorniarnermi oqaaseqatigiilioriaaseq pingaarnerpaaqqissaaq. Oqaaseqatigiit sammitillugit nammineq allallu allataat ilikkaqaqarfigalugit atuakkiortutsialanngornissamut qanillisitsisarpoq.

## SUNNGIFFIK

Pikkorissaanerit allannerillu avataasigut allarpassuarnik sammisassaqaassaaq. Mälaren-imukartoqarsinnaavoq, nalukkiarluni, saunariarluni, rundbolderiarluni arsaakkiarluniluunniit. Aamma qajarissamik angalaarneq, orpippassuarni pisutuarneq, timigissartarfik eqaarsaartarfillu periarfissaapput.

Atuakkanik atorniartarfik atuagarpassuaateqarpoq ulloq unnuarlu atorniarneqarsinnaasunik. Atuagaatit Nunat Avannarlernit tamaneersuupput, pikkorissartunit atorluarneqartartut.




## TUNNGAVIK

Biskops Arnö atuakkiortut allaaserinnittartullu ukiorpassuarni naapittarfigaat. Nunani avannarlerneersut 1960-imili pikkorissarfigisarpaat ataatsimeersuarfigalugulu. Tassaniipportaaq Atuakkiornermik Ilinniarfik.

PIFFISSAQ; SUMIIFFIK ANGALANERLU

Piffissaq: 30. juulimiit - 4. aggustimut 2018  
Sumiiffik: Nordens forfatterskole, Nordens  
folkhögskola Biskops Arnö, Mälaren i Bålsta (Stockholmimiit 60 km ungasitsigisoq)

Biskops Arnö  
746 93 BÅLSTA  
SVERIGE



Ilinniarfik sumiinnersoq nunap assingani  
uani takuuk:  
[www.biskopsarno.se/vagbeskrivning](http://www.biskopsarno.se/vagbeskrivning)

Angalaneq: Biskops Arnömut angalaneq peqataasussamut  
akeqanngilaq. Peqataasussat ataasiakkaarlutik angallatsit-  
viup Winslow Travel-ip timmisartukkut angalanissassinnut  
tunngasut isumagisassarai akeqanngitsumik. Stockholmip  
timmisartoqarfianiit taxanik peqataasussat aaneqassapput  
atuarfiliaanneqarlutillu.

KIKKUT PEQATAASINNAAPPAT

Inuusuttut Nunanit Avannarlerneersut 15-it 18-illu akornanni  
ukiullit.

QINNUTEQARNISSAQ

Ulloq tunniussivissaq kingulleq: 15 aprili 2018.

Makkuninnga ilanngussisoqassaaq:

- A4-t qupperneq ataaseq marlulluunniit nammineq alla-  
tannik imalik. Qulequtaqassaaq: "Uanga - atuakkiortoq"
- Atit naggatillu
- Najukkat
- Oqarasuaativit normua
- E-mail
- Angajoqqaat / akisussaasut atii (18-it inorlugit ukioqaruit)

Uunga nassiutissavat:

[nffu@biskopsarno.se](mailto:nffu@biskopsarno.se)

Pikkorissaasussat kikkut peqataanissaannik naliliissapput.

PEQATAANEQ AKEQANNGILAQ

Atuakkiormik ilinniarfimmiinneq akeqanngilaq. Ilinniar-  
titaaneq, angalaneq, nerisaqarneq ineqarnerlu Nordisk mi-  
nisterråd-ip meeqqanut inuusuttunullu atuagassaqartitsinis-  
samik suliniuteqarfiata akilissavai. Kaasarfimmiussatit illit  
nammineq isumagiinnassavatit.

Paasisaqarnerorusukkuit takuuk uungaluunniit allagaqarit:

[nffu@biskopsarno.se](mailto:nffu@biskopsarno.se)

<http://www.biskopsarno.se/forfattarskolan-for-unga-2018/>